

Stað í Aðalvík síra Páll Sivertsen taki allt að 600 kr. embættislán, gegn veði í **38**
tekjum prestakallsins, til vatnsleiðslu úr Indriðaa heim á prestssetrið Stað. Að **8. marz**
öðru leyti er lántökuleyfi þetta þeim skilyrðum bundið, að lánið endurgreiddist
með jöfnum áreglum afborgunum á næstu 12 árum eptir lántöku, að verkið verði
vel af hendi leyst, að gerður verði að því enduðu glöggur reikningur yfir kostnaðinn og skoðunargjörð á því haldin af áreiðanlegum mönnum, að 300 kr. aðeins verði greiddar af láninu við byrjun verksins, en eptirstöðvarnar, þó ekki yfir 300 kr., eptir reikningi að verkinu loknu, og þegar komin er sönnun fyrir því, að það sje vel af hendi leyst, og að afborganir og vextir greiddist af tillagi því, sem brauðið fær árlega úr landssjóði.

Þetta er yður til vitundar gefið, yður til leiðbeiningar og frekari birtingar.

Brjef landshöfðingja til stiptsyfirvaldanna yfir Íslandi um breyt- **39**
ing á lántökuleyfi handa Bjarnarnessprestakalli. — Eptir móttöku **20. marz**
brjefs yðar, herra amtmaður, og yðar, herra biskup, dagsettu 14. þ. m., vil jeg fallast á það, að breytt sje skilyrðunum í brjefi mínu 30. júlí f. á. um 800 kr. lántökuleyfi handa Bjarnanesprestakalli, þannig, að borga megi af láninu allt að 5% um árið í vöxtu.

Þetta er yður til vitundar gefið, yður til leiðbeiningar og frekari birtingar.

Reglugjörð

40

3. febr.

fyrir Suðurmúlasýslu um lækningu hunda af bandormum.

1. gr.

Lækna skal alla hunda í sýslunni og skal lækningin fara fram í hverjum málmánuði og nóvember hvert ár frá 15.—30.

2. gr.

Hreppstjóra í hverjum hreppi er falið að annast um lækningu hundanna; en honum er heimilt, að skipta hreppnum í deildir og setja áreiðanlegan mann í sinn stað í hverja deild til að framkvæma lækningarnar; má enginn skorast undan þeim starfa nema forföll valdi. Einnig skal hreppstjóri tiltaka daginn og skipa fyrir, ef haganlegt þykir, að hundar af fleiri bæjum komi saman á einn bæ til lækninga og skulu hundaeigendur þá vera skyldugir að koma hundum sínum þangað. Skulu allir hlýða fyrirskipunum hreppstjóra í þeim efnum.

3. gr.

Beri svo til, að hundur komi eigi til lækninga á tilteknum tíma, eða vart verði við bandorm í hundi milli lækningatíma, skal eigandi hans, svo fjótt sem hægt er, færa hann þeim, er hann skal lækna, en annars skal álíta, að

40 húsbóndi hafi brotið á móti 1. gr. reglugjörðarinnar. Hund, sem enginn hirðir-
8. febr. um að lækna, má hreppstjóri láta drepa.

4. gr.

Hverjum hundi skal gefa inn 5 grömm af arekadufti, og skulu lækningamenn að því er inngjöf snertir og meðferð á huudunum bæði á undan inngjöfinni og á eftir fara nákvæmlega eftir þeirri fyrirsögn sem þessu viðvikjandi fylgir reglugjörðinni

5. gr.

Hreppstjóri og lækningamenn skulu áminna hreppshúa að taka alla sulli er finnast í slátruðu sauðfje og brenna eða grafa djúpt í jörðu; eins skal fara með hause af höfuðsóttarkindum.

6. gr.

Hreppstjóra eða þeim, sem fyrir hann er, ber fyrir starfa sinn 2 krónur í þóknun fyrir hvern dag, er greiðist úr sýslusjóði.

7. gr.

Sýslunefndin tekur að sjer að sjá um útvegum á meðulum til lækningarinnar, og greiðist andvirði þeirra úr sýslusjóði.

8. gr.

Brot gegn þessari reglugjörð varða sektum frá 1—10 krónum, og rennur sektin í sýslusjóð.

9. gr.

Hreppstjórar skulu árlega rita í hundahaldsbókina skrá yfir alla hundaeigendur og tölu þeirra hunda, er komið hafa til lækninga frá hverjum hundaeiganda, og skal fyrir árslok senda sýslunefndinni skýrslu samhljóða bókinni.

Fyrirsögn.

I sólarhring áður en gefið er inn, má hundurinn ekkert fá að jeta eða drekka og skal vera í læstu húsi; skal svo gefa skammtinn í graut eða mjólk hverjum hundi sjer; ef hann fær klýju, verður að koma í veg fyrir að hann selji upp fyrsta hálfu klukkutímann á eftir, með því að vekja hug hans á einhverju; láta vel að honum eða sneypa. Hver hundur sje látinn standa eitt dægur inni eftir að honum hefir verið gefið inn, og síðan baða hann úr lyfi, sem lækni ákveður. Svó skal verka húsið vandlega á eftir og annaðhvort grafa það, sem frá hundinum hefir gengið, djúpt í jörð eða brenna.

Skrifstofu Suðurmúlasýslu. Eskifirði 8. febr. 1902.

A. V. Tulinius.